

Tutu ñauni nītaa taJuan ña ti'ví ra xaḡ ña nda'a taGayo

Xí'in to'on yó'o taJuan chindeé ra taGayo

¹ Yi'í kúu taḡikua'a, ta táa i tutu yó'o xaḡ ña nda'a yó'ó taGayo, ta kúu taḡa ta kí'vi ndino'o ini i xini i.

² Ñani yó, xini i ndí ndixa va'a yóo níma ún noḡ Ndios. Ta ñii ki'va ndatán va'a yóo níma ún, saá kóni i ña va'a koo yiki koñu ún, ña nda lo'o on kundeé kue'e xí'in ún. ³ Sava nañani yó na kándixa Jesucristo xa kixaa na noḡ i, ta kusi i ní ini i ña xini so'o i ña ká'an na ndát'o'on na ñava'a xa'a ún, chi káchí na ndí vivíi kua'an ún yichi ña ndaa. ⁴ To'on yó'o kúu ña sákusi i ní ini i, saá chi ndatán yóo sa'ya i ta kí'vi ní ini i xini i, saá yóo ún noḡ i. Ta kivi xini so'o i ndí nivi na yóo ndatán yóo sa'ya i noḡ i, va'a kua'an nayó'o yichi ña ndaa, ta to'on yó'o kúu ña sákusi i ní ka ini i.

To'on yó'o ká'an

ndí taGayo va'a kisa ndivi ra chiño Jesucristo

⁵ Ñani yó, va'a ní kisa ndivi ún chiño Jesucristo. Saá chi ndi'i saá yichi chindeé ún nañani yó na kúu na kee inká xiiña, ta kivi xaa nayó'o noḡ ún. Vará nda ñii yichi, on ta'an kutá'an ún xí'in nañani yó yó'o, ta kivi xaa na noḡ ún, ta táxi ún nda'a na ña xini ñó'ó na. ⁶ Ta sava nañani yó yó'o na xa chindeé ún, kixaa na

nɔɔ nákutá'an ndi ña kisa ká'no ndi Ndios, ta ndato'on na xí'in ndi ndasaá va'a saná'a ún ña ndixa kí'vi ní ini ún xíni ún na. Ta vitin xa nixaa tuku nayó'o nɔɔ ún, ta xáku ndá'víj ndúkúj nɔɔ ún ña chindeé tuku ún na, ta taxi ún nda'a na ña xíni ñó'ó na ña ko'on na inká xiiña. Ta xí'in ña ke'é ún ñava'a saá, ndixa sakusij ún ini Ndios. ⁷ Nañani yó yó'o, na chindeé ún, kúu nivi na kee ñoo mji na xa'a ña kuá'an na kasa ndivi na chiño Jesucristo, ta on vása xijn na naki'in na si'ún ya'vi na nda'a inká nivi na on vása kándixa Jesucristo. ⁸ Ta xa'a ñayó'o, mji yó, na kúu nivi na kándixa Jesucristo, xíni ñó'ó chindeé yó nañani yó yó'o ña kee na ko'on na ndato'on na to'on ña ndaa xa'a Jesucristo. Ta xí'in ña chindeé yó nayó'o kóni kachí ña ndí ñii káchí kisa chiño yó xí'in na xa'a yichí ña ndaa.

*To'on yó'o ká'an ña
ndí taDiótrefes kúu ta ta ké'é ña on vá'a*

⁹ Xa ti'víj ñii tutu kuá'an ña nda'a nañani yó xí'in náki'va yó na nákutá'an xí'in ún xa'a ña kisa ká'no ndó Ndios. Ta taDiótrefes kóni ra kuu ra ta ká'no ní ka nɔɔ ndi'i nañani yó xí'in náki'va yó na nákutá'an ñoo nɔɔ táku ún, ta xa'a ñayó'o, on xijn ra chikaa so'o ra to'on ña ká'an ndi, ni on xijn ra kasa ndivi ra ña ndúkú ndi nɔɔ ra. ¹⁰ Ta saá tá tondaa kivi xaaj nɔɔ ndó, ta ka'an j xí'in taDiótrefes yó'o xa'a ndi'i ña on vá'a ké'é ra, chi xáta ní'no ní ra to'on ña vatá xa'a ndi. Ta saá ni, on vása xaa ini ra ké'é ra ña on vá'a yó'o, ta tuku inká ña on vá'a ké'é ra kúu ña on xijn ra va'a naki'in ra nañani yó kivi kíxaa na nɔɔ ra xa'a ña ndato'on na to'on ña ndaa

xá'a Jesucristo. Ñoo ñoo táku ún yóo sava ñivi na kándixa Jesucristo, ta tãDiótrefes yó'o sási ra ñoo na kándixa Jesucristo yó'o, ña on xjin ra taxi na ña xini ñó'ó ñoo ñañani yó na kixaa ñoo na. Nda víka, tãDiótrefes táxin va'a ra ñivi na kóni chindeé ñañani yó na kixaa ñoo na, ta on vása táxi ka ra ña ki'vi tuku na ini ve'e ñoo nakutá'an ñañani yó xí'in náki'va yó xa'a ña kasa ká'no na Ndios.

Tõ'on yó'o ká'an ndí tãDemetrio kúu taa ta va'a

¹¹ Ñani yó, yó'ó kúu taa ta kí'vi ní ini i xini i, ta ká'an i xí'in ún ña on kundikon ún yichi ñivi na ké'é ña on vá'a, ta va'a ka kundikon ún yichi ñivi na ké'é ñava'a. Saá chi ñivi na ké'é ñava'a kúu sa'ya Ndios, ta ñivi na táku ké'é ña on vá'a, ñivi yó'o on tã'an koni na Ndios.

¹² Ta tãDemetrio kúu taa ta va'a ní, ta kánóo síkón tõ'on va'a xa'a ra ñoo ndi'i ñivi, ta ndixa tayó'o va'a ndikon ra yichi ña ndaa. Ta mii ndi, ndixa ndakuijn ndi ká'an ndi tõ'on va'a xa'a ra, ta mii ún, xini ún ndí tõ'on ña ká'an ndi kúu ñandaa.

Tõ'on yó'o ká'an ña ndí tãJuan ndáti ra yachi ní xaa ra ñoo yóo tãGayo

¹³ Yóo kuá'a ní ka tõ'on ña kóni ka'an i xí'in ún, ñani yó, ta on xjin i taa i ndi'i ña ñoo tutu yó'o. ¹⁴ Saá chi ndáti i ña yachi ní xaa i ñoo yóo ún, ta saá kuchiño ka'an tá'an yó xa'a ndi'i ña xini ñó'ó.

¹⁵ Ndios ná taxi ra ñava'a koo ini ún. Ta ñañani yó xí'in náki'va yó na kándixa Jesucristo na táku ñoo yó'o xí'in i, tí'ví na tõ'on ña chindeé na yó'ó.

Ta ndúkú i no o ún ña chindeé ún ñii ñii nivi na kándixa Jesucristo, na kúu na nákutá'an xí'in ún xa'a ña kisa ká'no ndó Ndios.

**Alcatlatzala Mixtec New Testament
Mixtec, Alcatlatzala: Alcatlatzala Mixtec New
Testament (New Testament+)**

copyright © 2019 Wycliffe Bible Translators, Inc.

Language: Mixtec, Alcatlatzala

Contributor: Wycliffe Bible Translators, Inc.

All rights reserved.

2020-11-11

PDF generated using Haiola and XeLaTeX on 21 Feb 2024 from source
files dated 29 Jan 2022

a74bfb3f-bd55-5ab9-983e-8d19de48c198